


月
蘊圖說
卷三

第十七章子宮內皮發舊炎症

此症與上章之子宮頸內皮所發舊炎相同此則炎勢限於子宮本體之內皮第六十圖中間黑點即其發炎處也

第十六圖



預兆病原 蓋嘗觀於婦

女之感於此症者有數端於下列之

一有瘰癧等症

二臟腑生嚙吡啻

三血氣薄弱

四產後失調

五乳兒太久

六用心過度

凡以上各端皆預兆此症之基也

起病之原亦有數端

一行經時感受風寒

二忽然經停

三閉經

四小產與正產

五子頸發炎

六子宮發新炎

七產後子宮不收縮

八子宮

正不致積血

九骨盆胞膜舊炎

十房事過度

十一子宮受傷

或因用血器或用藥打胎

十二子宮生瘤

十三陰戶發炎

凡以上各端皆起此症之原也

病狀

按子宮內皮發舊炎其病狀乃一易見之症而有時亦

有難見者其病勢固屬延纏或當病時醫者不知病者亦不覺而其身體又不可預知蓋有如常不變者亦有羸瘦異常者病

期有十年或二十年之久如是則白帶多流月經失調腦部不安其人仍不覺苦未思及問醫求藥此則子宮舊炎之一種也
又有一時腫脹以致子宮不正者起坐交媾與大便時卽覺疼痛卒至所流之質濁惡而令該處癢以致陰戶各處發炎若是者其狀不一而足可於下列之

一流白帶 二月經不調 三腰腹下部皆覺疼痛

四腦部不安 五生氣臃 六似孕之狀而實非孕

七卒至不能生育 凡此皆子宮舊炎可有之症也

查驗患狀

患狀之可查驗者不一茲僅擇其最要者而述之

試以探管探驗其子宮覺發舊炎其子宮本體必較無病者甚

長且探時殊覺不舒，又試用兩指摩入陰戶之裏，再以手按其小腹，則子宮必覺疼痛，而子宮頸亦痛者，則知子頸亦炎，再觀其白帶多流，及有病而子宮頸無症，則知其爲子宮舊炎也。若子宮口張大，則更無疑矣。

起止病期

此症常有數年不愈者，凡未經生產之人，有是症

者，則炎勢每限於內皮，其已經生產之婦，由漸而紅痛者，則本體亦炎而腫，蓋一則血氣太旺，補養過多，則子宮必腫而實，一則血氣太弱，失於調補，則子宮必脹而鬆，可知其卽成症矣。

兼症

此症常兼子宮不正、陰道發炎、子頸生肉砂、陰具發癢

等事，皆所時有。

治法

首宜設法將病人身體補益，則見功始速。如食用美益，常吸清氣，日有運動，一切驚恐愁悶之事，皆絕勿聞。若能遷換水土，更易醫治，倘可沐浴於海濱，遊玩於曠野，則更妙。而腦部更宜安妥。若論用藥，常以補益者爲佳，如鐵劑、強水、金雞納霜、鋤臭等，皆宜於此症者也。凡過於肥膩不化之食物，皆不宜食。病人更宜靜養爲要，不可勞費精神。過於用心，其子宮更宜息靜，節戒房事，恐有傷損。或用布在外包裹，或用節以塞之。倘子宮已歪，卽設法扶正。若子頸潰爛，卽設法醫治。其子宮腫大或產後不能收縮者，則須用了葛小服以消之。此皆治子宮舊炎之大概也。

至於用藥洗射該患處各醫者不一有用銀淡養水者有用碘酒二三倍清水一百倍者有用汞淡養二三十滴者亦有用一方卽淡養五分銅磺養一錢鈹碘一錢碘片九釐錐綠養二錢和勻或用雙鐵綠養二錢合清水三安士者更有先用暖水洗射加碘酒少許卒用淨碘酒或銀淡養以射洗者又有用銀淡養一錢合清水二錢者有用銅磺養五釐合清水六安士者又有用錐磺養十厘合清水一安士者此皆用以洗射該患處之藥水也然未用節射之先當明節射之利弊誠最關緊要之端也

一凡節射而深入子宮之內嘗可致斃其人不拘所用者爲藥

水或清水，苟射入胞膜，致令膜炎，或射入統膜，有風射入迴血管等事，皆可致死。


二縱不至上文致死之慘，而因節射以致子宮失力痿廢者，亦未嘗無之。他如因節射而致腦筋疼痛，子宮抽縮，痛如生產，與及子宮子帶之內皮受激，皆覺病痛難忍者也。

三以上各險患，既可免之，宜照下文各法，加以小心，用水節射之可也。

大凡節射，斷不可射入子宮之內，除非能令水立刻流出耳。故凡節射時，宜用撐將子宮口撐開，而所用之水節，更應有射回頭之眼。蓋節射一事，本非甚難，然必試用小心，始能無礙。法

用一銀管或樹膠皮管水節傍有數眼並有一回頭之管節頭

又十六圖



有皮袋如又六十圖乃極穩當之式也

用時將皮袋一擠水由此管射入子宮復由回管流出倘有畱於內者將皮袋放脹而餘水亦盡吸出無一滴留存於內此誠一善法也

節射所用之藥如碘酒銀淡養銅磺養加播匿酸鋸銅鐵磺養等皆宜開淡先用暖水洗射隨後方用藥水藥水宜以暖水開之其熱氣宜以八十五至九十度爲宜

水節之內，切不可有天氣，故於納藥水入水節時，須先放其氣，倘射入時，更宜小心爲妙。

凡遇子宮質軟，將腰彎捲至摺之候，切不可節射，又如月經行時前後，亦不可射，他如骨盆胞膜及溺管包衣等處，將起發炎時，亦不可節射。

當節射之後，病人宜仰臥靜息，至各苦狀俱無，仍宜常安於牀上，若覺痛，卽以鴉片之劑以止之，此節射當知之祕訣也。

四、倘遇子宮抽縮，痛不可忍，宜用摩啡入皮以止之，或先用止痛藥，加入上文所製藥水射入，以免其抽痛更妙。

五、雖照上文所言節射一事，似屬凶險，然若精明歷練者爲之，

則常無險，蓋不得不詳論其險要，以示後人。因恐後輩未必若是精練，而於用器皿稍有未合，則未嘗不虞意外也。

夫用節射以洗治子宮口，與子宮內皮等法，皆非居然可用。故吾謂先宜小心以理其身體，治其子宮之裂爛，並將其積惡致病各弊除之。若子宮已腫大，即用丫葛以消之，用法闊其子宮頸，以令潺涕易於流出。如此倘不見功，即用銀線鈍鏟，如第六

六十
一圖



十一圖，將子宮內皮肉砂刮破，蓋子宮內

皮舊炎一症，其內皮炎後有起肉砂者，亦有起一等患者，由是而成爲經水妄行，或經行不止等患矣。故炎後若用銀線鈍鏟，

將內皮肉砂刮破，令洩餘毒，則病亦因之而減。凡子宮發炎，脹大不收者，則銀線鈍鏟更宜用之。蓋不過將其內皮之肉砂刮破，並將積溢洩出而已。然余爲此二者而用之，蓋較用節射爲平穩，而經驗是症者亦不少，故余好爲用也。

第十八章子宮本體腫脹症

查是症所現之病狀最多而分辨不易茲形容其一以爲式焉
一病者一日訴其病狀於醫者謂其腰痛骨盆下部墜重疼痛
流白帶月經不調常多妄行子宮重鬱週身不爽神疲身弱膀
肱肛門均覺不舒此則現於外之病狀也再查驗患處則見其
子宮或往下墜或往前摺或往外捲摩之極痛並積血紅腫由
子宮口則白帶湧流再用探管入其子宮則亦疼痛兼有血帶
出子宮頸則起肉砂陰道發炎在認辨不清者每以數症混判
或以爲白帶與子宮內皮炎或以爲子宮頸裂爛與子宮翻捲
或以爲子宮失力等症而經練者則知此實是子宮本體發炎

婦科精義圖說卷三
腫脹一症而已

除上文統論之外，茲更將各症之所以情形分條論列，俾人一目了然。

一、此症之所以成病者，乃子宮肌肉腫大，而連網亦更腫脹，就將該處腦筋壓迫，故覺不舒。付近之肌亦因之紅腫。

二、考其所以致病之故，大率因產後子宮不能收縮，遂積脹日甚。

三、子宮體腫大，每有生產之後，或因本體不正，或因內皮炎，或因別故，以致脹大如孕。

四、未產之先，或子頸或本體發炎，各狀亦或有之，然亦甚少。


五、無論所因何故，若是連網發炎，雖有險症之情形，而實非危險。

起止病期


此症之病期不能預定，倘連網一經受病，則殊難

復其原質，然能將其各狀除之，並減不舒之狀，則雖不愈，在病人自覺無事，但因經期傷風，或因生產與勞碌過度，以致積血，則有忽然復發者，更有因之而令子宮頸異常腫大，時覺該處腫至大如橙子，竟將陰道脹滿，且壓於肛門，至今不能大便，倘不求治理者，病期固無限，至子宮愈脹愈墜，必至墜歪，子宮既歪，則紅腫更甚，病人忍受難堪，卒至子宮內皮亦炎，子頸起肉砂，而子宮生歪各狀亦齊作，迨至各肌肉縮動之力既倦，而子宮本體亦縮細無用矣。

論症之異同 不拘症因何故而起大凡子宮腫脹必須分別全體受病亦有病在子宮頸特重者由子宮頸下口延而及其上口亦有由上口而及子宮頂者其由子宮頸受病可於第六十二圖見之其由本體有壞者卽第六十三圖是也



第六十二圖



第六十三圖